



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱՐԱԳԱԾՈՏՆ ՄԱՐԶՊԵՏ  
Կ Ա Ր Գ Ա Դ Ր ՈՒ Թ Յ ՈՒ Ն**

2013թ. հունվարի 30

թիվ 9 - Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶՈՒՄ ԳԱՐՆԱՆԱՅԻՆ  
ՀՈՐԴԱՑՈՒՄՆԵՐԻ, ՍԵԼԱՎՆԵՐԻ ԿՏԱՆԳԻ ՆՎԱԶԵՑՄԱՆ ԵՎ ԴՐԱՆՑ ԿԱՆԽԱՐԳԵԼՄԱՆ  
ՄԻՋՈՑԱՌՈՒՄՆԵՐԻ ՄԱՍԻՆ**

Ղեկավարվելով «Արտակարգ իրավիճակներում բնակչության պաշտպանության մասին» Հայաստանի Հանրապետության օրենքի 15-րդ հոդվածով և Հայաստանի Հանրապետության Նախագահի 1997 թվականի մայիսի 6-ի ՆՀ-728 հրամանագրի 1.6 և 1.22 կետերի պահանջներով

**ԿԱՐԳԱԴՐՈՒՄ ԵՄ**

1. 2013 թվականի գարնանային հորդացումների, սելավների վտանգի նվազեցման և դրանց կանխարգելման միջոցառումների իրագործման նպատակով Հայաստանի Հանրապետության Արագածոտնի մարզի սելավավտանգ գոտու համայնքների ղեկավարներին առաջարկել:

- 1/ 2013 թվականի մարտի սկզբից իրականացնել սելավատարերի մաքրման աշխատանքներ,
- 2/ հորդացումների սպառնալիքի դեպքում համայնքի վտանգավոր թաղամասերից կազմակերպել բնակչության, գյուղատնտեսական կենդանիների և նյութական արժեքների տարահանում,
- 3/ նշված միջոցառումներն իրականացնել համայնքների բյուջեների հաշվին,
- 4/ համայնքի ավագանու համաձայնությամբ ընդունել համապատասխան որոշումներ՝ նշված միջոցառումներն իրականացնելու համար

2. Պետական կառավարման և հանրապետական գործադիր մարմինների տարածքային ստորաբաժանումների ղեկավարներին՝ գործնական և նյութական աջակցություն ցուցաբերել տեղական ինքնակառավարման մարմիններին:

3. Հայաստանի Հանրապետության Արագածոտնի մարզային փրկարարական վարչության պետին՝ հսկողություն սահմանել կանխարգելիչ միջոցառումների իրականացման ուղղությամբ և կատարված աշխատանքների մասին պարբերաբար զեկուցել Հայաստանի Հանրապետության Արագածոտնի մարզպետին:

4. Սույն կարգադրության մասին իրազեկել սելավավտանգ գոտու համայնքի ղեկավարներին, պետական կառավարման և հանրապետական գործադիր մարմինների տարածքային ստորաբաժանումների ղեկավարներին և մարզպետարանի համապատասխան աշխատակիցներին:

5. Սույն կարգադրության կատարման հսկողությունը վերապահել Հայաստանի Հանրապետության Արագածոտնի մարզպետարանի աշխատակազմի տեղական ինքնակառավարման և հանրապետական գործադիր մարմինների հարցերով վարչության պետին:

Ժ/Պ



Ա. ԱՐՍԵՆՅԱՆ